

長坂坡

中華書局印行





A541 212 0020 8729B

小小說例言

一 本書文字淺顯，材料活潑；取名爲小小說，凡是已通文字的人，固然可以用牠做消遣品，就是略解字義的人閱讀本書，也可以幫助他走上了通文的捷徑。所以，本書不論在小學教育、民衆教育和家庭教育各方面，作爲國語文的補助讀物，都很適宜。

本書根據各種舊小說編成，取材都是最富有興趣的；並且，每種都有一個不同的封面，繪成彩圖，鮮明悅目，尤其可以助人興味。

舊小說向來爲社會上所歡迎，不過，在故事的本身，或者有傷風化的地方，本書對於這種材料，一概刪去；在文字上，或者有原文太深，和鄙俗不堪的，本書便重加改作，使讀者既容易領悟，且不致被惡劣的文字所同化。

本書每寫一段故事，只取應敘的事實，其餘繁文枝節，完全刪去；至文字分段另行排列，目的是要使閱讀時，容易醒目。

本書用三號字排印，行款疏朗，絕對沒有字迹模糊，損傷目力的弊病；小本精裝，攜帶也很便利。



長坂坡

湖北當陽縣有一座土坡。名爲長坂坡。卽三國時趙


子龍雲名單騎救阿斗處。先是曹仁被關羽長字雲張飛德字翼

敗後。收拾殘軍。就新野屯住。使曹洪去見曹操。具言

諸葛亮明字孔明火燒新野之事。操大怒曰。諸葛村夫。安敢

如此。催動三軍。漫山徧野。至新野下寨。傳令三軍。一

面搜山。一面填河。大軍分作八路。一齊去取樊城。



劉備

字玄

探知消息。問計於孔明。孔明曰。可速棄樊城。

取襄陽暫歇。玄德曰。奈百姓相隨。安忍棄之。孔明曰。可令人徧告百姓。如有願隨者同去。不願者留下。先使雲長往江岸整頓船隻。令孫乾簡雍在城中揚聲曰。今曹兵將至。孤城不可久守。百姓願隨者便同渡江。兩縣之民齊聲大呼曰。我等雖死亦願隨使君。卽日號泣而行。扶老携幼。將男帶女。滾滾渡河。兩岸哭聲不絕。玄德於船上望見。大慟曰。爲吾一人而使百

姓遭此大難。吾何生哉。欲投江而死。左右急救止。聞者莫不痛哭。船到南岸。回顧百姓有未渡者。望南而哭。玄德急令雲長催船渡之。方纔上馬。行至襄陽東門。玄德勒馬大叫曰。劉琮賢姪。吾但欲救百姓。並無他念。可快開門。劉琮聞玄德至。懼而不出。孔明曰。江陵乃荊州要地。不如先取江陵爲家。玄德曰。正合吾心。

於是引着百姓。盡離襄陽大路。望江陵而走。襄陽城

中百姓多有乘亂逃出城來。跟玄德而去。路過劉表之墓。玄德率衆將拜於墓前。哭告曰。辱弟備無德無才。負兄寄託之重。罪在備一身。望兄英靈垂救。荆襄之民言甚悲切。軍民無不下淚。忽哨馬報說。曹操大軍已屯樊城。使人收拾船筏。卽日渡江趕來也。衆將皆曰。江陵要地。足可拒守。今擁民衆數萬。日行十餘里。似此幾時得至江陵。倘曹兵到。如何迎敵。不如暫棄百姓。先行爲上。玄德泣曰。舉大事者必以人爲本。

今歸我。奈何棄之。於是擁着百姓。緩緩而行。孔明曰。追兵不久卽至。可遣雲長往江夏求救於公子劉琦。教他速起兵乘船。會於江陵。玄德從之。卽修書令雲長同孫乾帶五百軍。往江夏求救。令張飛斷後。趙雲保護老小。其餘俱管顧百姓而行。每日只走十餘里。便歇。行了二十餘日。忽哨馬來報曰。曹操令文聘引兵開道。並教各部下精選五千鐵騎。星夜前進。限一日一夜趕上。大軍隨後陸續而來。玄德聞報。大吃一

驚。孔明曰。雲長往江夏去了。絕無回音。不知若何。玄德曰。敢煩軍師親自走一遭。孔明允諾。便同劉封引五百軍。先往江夏求救去了。

當日玄德自與簡雍糜竺糜芳同行。正行間。忽然一陣狂風吹起。塵土冲天。遮蔽紅日。玄德驚曰。此何兆也。簡雍頗明陰陽。袖占一課。失驚曰。此大凶之兆也。應在今夜。主公可速棄百姓而走。玄德曰。百姓從新野相隨至此。吾安忍棄之。雍曰。主公若戀而不棄。禍

不遠矣。玄德問前面是何處。左右答曰。前面是當陽縣。有座山名爲景山。玄德便教就此山紮住。時秋末冬初。涼風透骨。黃昏將近。哭聲遍野。至四更時分。只聽得西北喊聲震地而來。玄德大驚。急上馬。引本部精兵二千餘人迎敵。曹兵掩至。勢不可當。玄德死戰。正在危迫之際。幸得張飛引軍至。殺開一條出路。救玄德望東而走。張飛保着玄德。且戰且走。奔至天明。聞喊聲漸漸遠。

去。玄德方纔歇馬。看手下隨行人。止有百餘騎。百姓老小。并糜竺糜芳簡雍趙雲等大衆人。皆不知下落。玄德大哭曰。十數萬生靈。皆因戀我。遭此大難。諸將及老小。皆不知存亡。雖土木之人。寧不悲乎。正悽惶時。忽見糜芳身帶數箭。踉蹌而來。口言趙子龍反投曹操去也。玄德叱曰。子龍是吾故交。安肯反乎。張飛曰。他今見我勢窮力盡。或者反投曹操。以圖富貴耳。玄德曰。子龍從我於患難。心如鐵石。非富貴所能動。

搖也。麋芳曰。我親見他投西北去了。張飛曰。待我親自尋他去。若撞見時。一鎗刺死。玄德曰。休錯疑了。子龍此去。必有事故。吾料子龍必不棄我也。張飛那裏肯聽。引二十餘騎。至長坂橋。見橋東有一帶樹木。飛生一計。教所從二十餘騎。都砍下樹枝。拴在馬尾上。在樹林內往來馳騁。衝起塵土。以爲疑兵。飛卻親自橫矛立馬於橋上。向西而望。却說趙雲自四更時分。與曹軍相殺。往來衝突。殺至

天明尋不見玄德。又失了玄德老小。雲自思曰：主人將甘糜二夫人與小主人阿斗，托付在我身上。今日軍中失散，有何面目去見主人？不如去決一死戰。好歹要尋主母與小主人下落。回顧左右，只有三四十騎相隨。雲拍馬在亂軍中尋覓。二縣百姓號哭之聲，震動天地。中箭着鎗，拋棄男女而走者，不計其數。趙雲正走之間，見一人臥在草中。雲視之，乃簡雍也。雲急問曰：曾見兩位主母否？雍曰：二主母棄了車仗，抱

阿斗而走。我飛馬趕去。轉過山坡。被一將刺了一鎗。跌下馬來。馬被奪了去。我爭鬪不得。故臥在此。雲乃將從人所騎之馬。借一匹與簡雍騎坐。又着二卒扶護簡雍先去。報與主人。我上天入地。好歹尋主母與小主人來。如尋不見。死在沙場上也。說罷。望長坂坡而去。

忽一大叫趙將軍那裏去。雲勒馬問曰。你是何人。答曰。我乃劉使君帳下護送車仗的軍士。被箭射倒。

在此。趙雲便問二夫人消息。軍士曰。恰纔見夫人披頭跌足。相隨一夥百姓婦女。投南而走。雲聽說。也不顧軍士。急縱馬望南趕去。只見一夥百姓男女數百人。相携而走。雲大叫曰。內中有甘夫人否。夫人在後面。望見趙雲。放聲大哭。雲下馬插鎗而泣曰。使主母失散。雲之罪也。糜夫人與小主人安在。甘夫人曰。我與糜夫人被逐。棄了車仗。雜於百姓內步行。又撞見一枝軍馬衝散。糜夫人與阿斗。不知何往。我獨自逃

生至此。正言間。百姓發喊。又撞出一枝軍來。趙雲拔鎗上馬看時。面前馬上綁着一人。乃麋竺也。背後一將。手提大刀。引着千餘軍。乃曹仁部將淳于導。拏住麋竺。正要押去獻功。趙雲大喝一聲。挺鎗縱馬。直取淳于導。導抵敵不住。被雲一鎗刺落馬下。向前救了麋竺。奪得馬二匹。雲請甘夫人上馬。殺開一條出路。直送至長坂坡。

只見張飛橫矛立馬於橋上。大叫子龍。你如何反我

哥哥。雲曰。我尋不見主母與小主人。因此落後。何言反耶。飛曰。若非簡雍先來報信。我今見你。怎肯干休也。雲曰。主公在何處。飛曰。只在前面不遠。雲謂麋竺曰。麋子仲保甘夫人先行。待我仍尋麋夫人與小主人去。言罷。引數騎再回舊路。正走之間。見一將手提鐵鎗。背着一口劍。引十數騎躍馬而來。趙雲便不通話。直取那將。交馬只一合。把那將一鎗刺倒。從騎皆走。原來那將。乃曹操隨身背劍之將夏侯恩也。曹操

有寶劍二口。一名倚天。一名青虹。倚天劍自佩之。青虹令夏侯恩背之。那青虹劍砍鐵如泥。鋒利無比。當時夏侯恩自恃勇力。背着此劍。只顧引人搶奪擄掠。不想撞着趙雲。被他一鎗刺死。奪了那口劍。看靶上有金嵌青虹二字。方知是寶劍也。

雲插劍提鎗。復殺入重圍。回顧手下從騎。已無一人。只剩得孤身。雲並無半點退心。只顧往來尋覓。但逢百姓。便問糜夫人消息。忽一人指曰。夫人抱着孩兒。

左腿上着了鎗。行走不得。只在前面牆缺坐地。趙雲聽了。連忙追尋。只見一箇人家。被火燒壞土牆。糜夫人抱着阿斗。坐於牆下枯井之旁啼哭。雲急下馬伏地而拜。夫人曰。妾得見將軍。阿斗有命矣。望將軍可憐他父親飄蕩半世。只有這點骨血。將軍可護持此子。教他得見父面。妾死無恨。雲曰。夫人受難。雲之罪也。不必多言。請夫人上馬。雲自步行死戰。保夫人透出重圍。糜夫人曰。不可。將軍豈可無馬。此子全賴將

軍保護。妾已重傷。死何足惜。望將軍速抱此子前去。勿以妾爲累也。雲曰。喊聲將近。追兵已至。請夫人速上馬。麋夫人曰。妾身委實難去。休得兩誤。乃將阿斗遞與趙雲曰。此子性命全在將軍身上。趙雲三回五次。請夫人上馬。夫人不肯上馬。四邊喊聲又起。雲厲聲曰。夫人不聽吾言。追軍若至。爲之奈何。麋夫人乃棄阿斗於地。翻身投入枯井而死。

趙雲見夫人已死。恐曹軍盜屍。便將土牆推倒。掩蓋

枯井。掩訖。解開勒甲縑。放下掩心鏡。將阿斗抱護在懷。綽鎗上馬。早有一將引一隊步軍至。乃曹洪步將晏明也。持三尖兩刃刀來戰趙雲。不三合。被趙雲一鎗刺死。殺散衆軍。衝開一條路。正走間。前面又一枝軍馬攔路。當先一員大將。旗號分明。大書河間張郃。雲更不答話。挺鎗便戰。約十餘合。雲不敢戀戰。奪路而走。背後張郃追來。雲加鞭而行。不想跣躡一聲。連人和馬。顛入土坑之內。張郃挺鎗來刺。忽然那匹馬

平空一躍。跳出坑外。張郃見了。大驚而退。趙雲縱馬正走。背後忽有二將。大叫趙雲休走。前面又有二將。使兩般軍器。截住去路。後面趕的是馬延、張顛。前面阻的是焦觸、張南。趙雲力戰四將。曹軍一齊擁至。雲乃拔青虹劍亂砍。手起處。衣甲透過。血如湧泉。殺退衆軍。直透重圍。卻說曹操在景山頂上。望見一將。所到之處。威不可當。急問左右是誰。曹洪飛馬下山大叫曰。軍中戰將。

可留姓名。雲應聲曰。吾乃常山趙子龍也。曹洪回報。曹操曰。真虎將也。吾當生致之。遂令飛馬傳報各處。如趙雲到。不許放冷箭。只要捉活的。因此趙雲得脫此難。此亦阿斗之福所致也。這一場殺。趙雲懷抱後主。直透重圍。砍倒大旗兩面。奪槊三條。前後鎗刺劍砍。殺死曹營名將五十餘員。趙雲當時殺透重圍。已離大陣。血滿征袍。正行間。山坡下又撞出兩枝軍。乃夏侯惇部將鍾繇、鍾紳兄弟二人。一箇使大斧。一

簡使畫戟。大喝趙雲。快下馬受縛。並攔住去路。趙雲挺鎗便刺。鍾繹當先揮大斧來迎。兩馬相交。戰不三合。被雲一鎗刺落馬下。奪路便走。背後鍾紳持戟趕來。馬尾相啣。那枝戟只在趙雲後心內弄影。雲急撥轉馬頭。恰好兩胸相拍。雲左手持鎗。隔過畫戟。右手拔出青虹寶劍。砍去帶盔連腦。砍去一半。紳落馬而死。餘衆奔散。趙雲得脫。望長坂橋而走。只聞後面喊聲大震。原來文聘引軍趕來。趙雲到得

橋邊。人困馬乏。見張飛挺矛立馬於橋上。雲大呼曰。翼德援我。飛曰。子龍速行。追兵我自當之。雲縱馬過橋。行二十餘里。見玄德與衆人憩於樹下。雲下馬伏地而泣。玄德亦泣。雲喘息而言曰。趙雲之罪。萬死猶輕。糜夫人身帶重傷。不肯上馬。投井而死。雲只得推土牆掩之。懷抱公子。身突重圍。賴主公洪福。幸而得脫。適纔公子尙在懷抱中啼哭。此一會不見動靜。想是不能保也。遂解視之。原來阿斗正睡著未醒。雲喜。

曰。幸得公子無恙。雙手遞與玄德。玄德接過。擲之於地。曰。爲汝這孺子。幾損我一員大將。趙雲忙向地下抱起阿斗。泣拜曰。雲雖肝腦塗地。不能報也。

卻說文聘引軍追趙雲至長坂橋。只見張飛倒豎虎鬚。圓睜環眼。手綽蛇矛。立馬於橋上。又見橋東樹林之後。塵頭大起。疑有伏兵。便勒住馬。不敢近前。後面曹仁、夏侯惇、夏侯淵、樂進、張遼、張郃、許褚等都至。見飛怒目橫矛。立馬於橋上。又恐是諸葛孔明之計。都

不敢近前。紮住陣腳。一字兒擺在橋西。使人飛報曹操。操聞知。急上馬。從陣後來。張飛隱隱望見。料得是曹操。心疑。親自來看。飛乃厲聲大喝曰。我乃燕人張翼德也。誰敢與我決一死戰。聲如巨雷。曹軍聞之。盡皆股栗。曹操回顧左右曰。吾向曾聞雲長言。翼德於百萬軍中。取上將之首。如探囊取物。今日相逢。不可輕敵。言未已。張飛睜目又喝曰。燕人張翼德在此。誰敢來決死戰。曹操見張飛如此氣概。頗有退心。飛望

見曹操後軍陣腳移動。乃挺矛又喝曰。戰又不戰。退又不退。卻是何故。喊聲未絕。曹操身邊夏侯傑。驚得肝膽碎裂。倒撞於馬下。操便回馬而走。於是諸軍衆將。一齊望西逃奔。棄鎗落盔者。不計其數。人如潮湧。馬似山崩。自相踐踏。

曹操望西而走。冠簪盡落。披髮奔逃。張遼曰。丞相休驚。料張飛一人。何足深懼。曹操方纔神色稍定。乃令張遼許楮。再至長坂橋。探聽消息。且說張飛見曹軍

一擁而退。不敢追趕。速喚原隨廿餘騎。摘去馬尾樹枝。令將橋梁拆斷。然後回馬來見玄德。具言斷橋一事。玄德曰。吾弟勇則勇矣。但不合拆斷橋梁。飛曰。他被我一喝。倒退數里。何敢再追。玄德曰。若不斷橋。彼恐有埋伏。不敢進兵。今拆斷了橋。彼料我無軍。必來追趕。於是卽刻起身。從小路望漢津而走。行了數里。忽見後面塵頭大起。鼓聲連天。喊聲震地。玄德曰。前有大江。後有追兵。如之奈何。急命趙雲準備抵敵。忽

山坡後鼓聲響處。一隊軍馬飛出。大叫曰。我在此等候多時了。當頭那員大將。原來是關雲長。去江夏借得軍馬一萬。探知當陽長坂大戰。特地截出。曹操一見雲長。卽勒住馬。回顧衆將曰。又中諸葛孔明之計也。傳命大軍速退。

雲長追趕十數里。卽回軍保玄德等。到漢津。已有船隻伺候。雲長請玄德并甘夫人阿斗至船中坐定。雲長問曰。二嫂嫂如何不見。玄德訴說當陽之事。正說

之間。忽見南岸戰鼓大鳴。舟船如蟻。玄德大驚。船來至近。只見一人白袍銀鑿。立於船頭上。大呼曰。叔父別來無恙。小姪得罪。玄德視之。乃劉琦也。琦過船。正訴情由。忽西南上戰船一字兒擺開。乘風而至。劉琦驚曰。江夏之兵。小姪已盡起至此矣。此戰船必曹操之軍也。如之奈何。玄德出船頭視之。見一人綸巾道服。坐在船頭上。乃孔明也。背後立着孫乾。玄德慌請過船。問何故在此。孔明曰。亮自至江夏。先令雲長來

接。又料曹操必來追趕。主公不從江陵。必斜取漢津。故特請公子先來接應。我竟往夏口。盡起軍前來相助。玄德大悅。遂合一處。商議破曹之策。這便是趙雲單騎救主以後張飛在長坂橋喝退曹兵的一段故事。

(終)



上海图书馆藏书



A541 212 0020 8729B

民國六年四月發行
民國廿一年九月六版



(小 小 說)

◎ 每冊定價銀五分

編輯者 中華書局

發行者 中華書局

印刷者 中華書局

印刷所 中華書局

總發行所 中華書局

分發行所 各省中華書局

上海靜安寺路哈同路口
中華書局

上海棋盤街
中華書局

標商冊註



680507